



Rezultati rada Državne agencije za istrage i zaštitu

# SIPA za dvije godine uhapsila 629 osoba!

Lani podnijeli 58 izvještaja protiv 382 osobe zbog organiziranog kriminala

Državna agencija za istrage i zaštitu (SIPA) u posljednje dvije godine realizirala je 224 operativne akcije, uhapsila 629 osoba, dok su nadležnim tužilaštvima u BiH prijavljene 2.354 osobe, zvanični su podaci ove agencije. Riječ je o akcijama koje je proveo Kriminalističko-istražni odjel SIPA-e, a odnose se na organizirani kriminal i korupciju, terorizam, pranje novca te procesuiranje osumnjičenih za ratne zločine.

- Ovi podaci govore da je SIPA vodeća policijska agencija u BiH i poželjan partner u međunarodnoj policijskoj saradnji - rečeno nam je iz SIPA-e.

Samo u 2012. godini

SIPA je nadležnim tužilaštvima u BiH podnijela 37 izvještaja i dopune izvještaja protiv 278 osoba zbog postojanja osnova sumnje da su počinile krivično djelo organizirani kriminal.

Zbog finansijskog kriminala podneseno je 11 izvještaja i dopuna izvještaja protiv 106 osoba, dok je za

pranje novca podnesen jedan izvještaj protiv 17 osoba.

Prošle godine SIPA je podnijela 58 izvještaja protiv 382 osobe zbog postojanja osnova sumnje na organizirani kriminal. Ukupno 20 izvještaja protiv 141 osobe podneseno je zbog finansijskog kriminala.

U predmetu „Lutka“ SIPA je podnijela 12 dopuna izvještaja protiv ukupno 54 osobe.

Za 10 mjeseci ove godine ukupno je podneseno 35 izvještaja i dopuna izvještaja protiv 232 osobe. Za finansijski kriminal podneseno je 16 izvještaja i dopuna izvještaja protiv 148 osoba. Kada su u pitanju terorizam i krivična djela u vezi s terorizmom, SIPA je za dvije

**2.354**

osobe prijavljene  
tužilaštvima

**875**

osoba prijavljeno  
zbog korupcije



**SIPA:  
Žestok  
udarac  
kriminalu**

godine ukupno prijavila 31 osobu, a protiv 26 su podnesene krivične prijave.

**M. AŠČIĆ**